



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 1. An licet peccatores occidere?

urn:nbn:de:hbz:466:1-40993

Ius Dominii. Hinc illud, Prov. 12. Novit ius
stus iumentorum suorum animas: viscera autem
impiorum crudelia.

Q. I. An licet peccatores occidere?

Resp. Licet auctoritate publica occidere
peccatores Reip. noxios. Prob. 1. ex Exodi
22. *Maleficos non patieris vivere, & ad Rom. 13.*
de supremo principe dicitur, Non sine causa
gladium portat, Dei enim Minister est, vindicta in
iram, ei qui malum agit. 2. Quia talis potestas
necessaria est Reip. ad bonum commune, &
publicam tranquillitatem: Ideoque à Deo
Reip. concessa est. Et quia pars noxia toti po-
test ob totius conservationem excisci, cùm
pars sit propter totum.

Resp. II. Non licet auctoritate privata peccatores
occidere, præcisè propter eorum scelerarum.
Ita omnes ex Mat. 26. *Omnes qui acceperint*
gladium, gladio peribunt. & ex c. *Quicunque*
23. q. 8. quia non licet occidere peccatores,
nisi auctoritate à Deo concessâ propter
bonum commune; ac proinde id ad eum so-
lum pertinet, cuius est procurare bonum publicum.
Nec obstat, quod interdum permit-
tatur, ut quisvis possit occidere quosdam sub-
ditos Reip. publicos hostes; quia tunc non
occiduntur privatâ, sed publicâ auctoritate
concessâ à Principe.

Sed an licet verberare aliquem ob culpam,
quam admisit?

Resp. Non licet, nisi habenti potestatem in
delin-

delinquentem; quia (ut ait S. Thom. 2.2. q. 65. a. 2.) *Per verberationem nocumentum inferatur corpori ejus, qui verberatur; nocumentum autem inferre alicui non licet, nisi per modum pœnæ propter justitiam.* Nullus autem justè punit aliquem, nisi sit ejus jurisdictioni subjectus. Et ideo verberare aliquem non licet, nisi habenti potestatem aliquam super illum, qui verberatur. Et quia filius subditur potestati Patris, & servus potestati Domini, licetè potest verberare Pater Filium, & Dominus servum, causâ correctionis & disciplinae. Idem dic de Magistro, & tutore; quia gerunt vicem Patris.

Q 2. *An licet occidere uxorem, vel Filiam in adulterio deprehensam, vel ipsum adulterum?*

Resp. Neg. *Est communis.* Prob. ex cap. Inter hec & seq. 33. q. 2. & ex S. Aug. lib. 2. de adulter. conjug. cap. 15, ibi: *Non licet uxorem adulteram accidere, sed tantum dimittere.* 2. *Quia* non licet propriâ auctoritate, ut patet; neque etiam ullâ lege humanâ potest id fieri licitum: *tum quia ubi observari potest ordo judicii,* iniquum est Reum inauditum, destitutum omni defensionis remedio, nullo servato Juris ordine, & sine judicio punire, pœnæq; executionem committere ipsi offenso, & quidem illico, cum animus recenti offensa maximè perturbatus est. Hinc Reg. Jur. 136. *Non est singulis concedendum, quod per Magistratum publicè fieri*

O s poffit.